

illam vim, ac potestatem tenerum corpusculum una cum animo nobilioribus ornamentis iam à Deo decorato, primo spiritu hauriret. Verum quid ego probabilibus tot argumentationibus, cum id necessaria propemodum ratione concludere, ac demonstrare queam? Placuit Deo Optimo Maximo, ut à Serenissimis parentibus tuis non indignus existimarer, qui Celsitudini tue in tradendis Mathematicis disciplinis operam nauarem, quod quidem præstiti quatuor superioribus annis proximè elapsis, eo anni tempore, quo à seuerioribus studiis ocium esse consuevit. Quo circa cum mihi diuinitus planè contigerit, ut Celsitudini tue inferuirem, atque ideò incredibilis Clementia, ac benignitatis tue radios propius exceperim; quid mirum si animus meus adeo incaluit, ut nihil aliud propemodum dies, noctesque meditetur, quàm ut ego, qui non solum animo, sed etiam ipso ortu, ac natura sub tua dominatione sum, tue gloriæ cupidissimus, & quàm gratissimus erga te esse cognoscar? Quæ cum ita sint, cum te Auspice COSME Serenissime, has Stellas superioribus Astronomis omnibus incognitas explorauerim, optimo iure eas Augustissimo Prosapiae tue nomine insignire decreui. Quod si illas primus indagari, quis me iure reprehendat, si iisdem quoque nomen imposuero, ac MEDICAE A SYDERA appello? sperans fore, ut tantum dignitatis ex hac appellatione ijs Syderibus accedat, quantum alia cæteris Heroibus attulerunt. Nam ut taceam de Serenissimis tuis Maioribus, quorum gloriam sempiternam om-

nium

4

nium historiarum monumenta testantur, sola tua virtus, Maxime Heros, illis Astris impertiri potest notis immortalitatem. Cui enim dubium esse potest, quin quam tui expectationem felicissimis Imperij Auspicij concitasti, quamvis summam, eam non solum sustineas, ac tuearis, verum etiam longo interuallo superaturus sis? ut cum alios tui similes viceris, tecum nihilominus ipse certes, ac te ipso, ac magnitudine tua in dies maior euadas.

Suscipe itaque Clementissime Princeps hanc tibi ab Astris reseruatam gentiliciam gloriam, & illis diuinis bonis, quæ non tam à Stellis, quam à Stellarum Opifice, ac Moderatore Deo tibi deferuntur, quàm diutissime frui.

Datum Patavij 4. Idus Martij, M DC X.

Celsitudinis tue

Addictissimus Seruus

Galileus Galileus.